

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON O PRESTANKU VAŽENJA ZAKONA O OSNIVANJU FEDERALNOG  
FONDA ZA POMOĆ NASTRADALIM PODRUČJIMA OD PRIRODNE NESREĆE  
NA TERITORIJI FEDERACIJE BOSNE I HERCEGOVINE**

**Sarajevo, februar 2018. godine**

## **PRIJEDLOG**

### **Za donošenje Zakona o prestanku važenja Zakona o osnivanju Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine po skraćenom postupku**

Postupajući u smislu odredaba člana 26. Poslovnika o radu Vlade Federacije Bosne i Hercegovine – Prečišćeni tekst ( „Službene novine Federacije BiH“, br. 6/10, 37/10 i 62/10) predlažemo donošenje Zakona o prestanku važenja Zakona o osnivanju Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine po skraćenom postupku, obzirom da su u konkretnom slučaju ispunjeni uslovi iz člana 172. stav 1. Poslovnika Predstavničkog doma Parlamenta Federacije Bosne i Hercegovine ( “Službene novine Federacije BiH“, br. 69/07 i 2/08) i člana 164. stav 1. Poslovnika o radu Doma naroda Parlamenta Federacije Bosne i Hercegovine ( “Službene novine Federacije BiH“ br. 27/03 i 21/09), odnosno da se ne radi o složenom i obimnom zakonu, te da je donošenje Zakona od značaja za sprečavanje stvaranja daljih finansijskih obaveza institucije za čijim radom je prestala potreba.

**Z A K O N**  
**O PRESTANKU VAŽENJA ZAKONA O OSNIVANJU FEDERALNOG FONDA ZA**  
**POMOĆ NASTRADALIM PODRUČJIMA OD PRIRODNE NESREĆE NA**  
**TERITORIJI FEDERACIJE BOSNE I HERCEGOVINE**

**Član 1.**

Zakon o osnivanju Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine („Službene novine Federacije BiH“, broj 59/14) prestaje da važi.

**Član 2.**

Vlada Federacije Bosne i Hercegovine će poduzeti sve aktivnosti u vezi sa gašenjem Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, u skladu sa važećim federalnim propisima.

**Član 3.**

Ovaj zakon stupa na snagu narednog dana od dana objavljivanja u „Službenim novinama Federacije BiH“.

Predsjedavajuća  
Doma naroda  
Parlamenta Federacije BiH

Predsjedavajući  
Predstavničkog doma  
Parlamenta Federacije BiH

## **O B R A Z L O Ž E N J E**

### **PRIJEDLOGA Z A K O N A**

#### **O PRESTANKU VAŽENJA ZAKONA O OSNIVANJU FEDERALNOG FONDA ZA POMOĆ NASTRADALIM PODRUČJIMA OD PRIRODNE NESREĆE NA TERITORIJI FEDERACIJE BOSNE I HERCEGOVINE**

##### **I. - USTAVNI OSNOV**

Ustavni osnov za donošenje ovog zakona sadržan je u odredbi člana IV. tačka A.20. (1) d) Ustava Federacije Bosne i Hercegovine prema kojoj je Parlament Federacije Bosne i Hercegovine nadležan za donošenje zakona o vršenju dužnosti federalne vlasti.

##### **II. – RAZLOZI ZA DONOŠENJE**

Federacija Bosne i Hercegovine je u maju 2014. godine pretrpjela značajne štete prouzrokovane poplavama te se svojevremeno stvorila potreba za osnivanjem Fonda za pomoć nastradalim područjima od prirodne nesreće na teritoriji Federacije Bosne i Hercegovine. Osnovna funkcija Fonda bila je prikupljanje i upravljanje finansijskim sredstvima namijenjenim za pomoć nastradalim područjima na način da se osigura objedinjavanje sredstava i koordinirano usmjeravanje sredstava. Pod nastradalim područjima u smislu ovog zakona smatrala su se područja u kojima su se dogodile prirodne nesreće proglašene Odlukom o proglašenju stanja prirodne nesreće na području Federacije Bosne i Hercegovine uzrokovane obilnim kišnim padavinama koje su prouzrokovale poplave na području Federacije Bosne i Hercegovine ("Službene novine Federacije BiH", broj 37/14).

Članom 17. Zakona o osnivanju Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine propisano je da će po prestanku potrebe za radom Fonda Parlament Federacije BiH, na prijedlog Vlade, donijeti propis kojim će se regulirati dalji status Fonda i finansijskih sredstava zatečenih na računu Fonda u tom trenutku.

Kako je od osnivanja navedenog fonda prošlo tri godine, a s obzirom da je u međuvremenu prestala potreba za daljim radom Fonda, kao i vodeći računa o racionalizaciji troškova poduzete su aktivnosti na pripremi zakonskih pretpostavki za gašenje ove institucije. U skladu sa navedenim, Upravni odbor Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine je na 13. sjednici održanoj 16.12.2016. godine donio Zaključak, broj: UO-49-262-07/16 od 16.12.2016. godine, kojim je zatraženo da Vlada Federacije Bosne i Hercegovine pokrene aktivnosti u vezi sa gašenjem Fonda.

##### **III. – OBRAZLOŽENJE POJEDINIH ZAKONSKIH RJEŠENJA**

Odredbom člana 1. utvrđuje se da prestaje da važi Zakon o osnivanju Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine („Službene novine Federacije BiH“, broj 59/14)

Članom 2. propisuje se da će sve aktivnosti u vezi sa gašenjem Fonda poduzeti Vlada Federacije Bosne i Hercegovine u skladu sa važećim federalnim propisima.

Članom 3. određuje se vrijeme stupanja na snagu ovog zakona na način da Zakon stupa na snagu narednog dana od dana objavljivanja u „Službenim novinama Federacije BiH“.

#### **IV. – FINANSIJSKA SREDSTVA**

Za provođenje ovog zakona bit će potrebno osigurati sredstva iz Budžeta Federacije Bosne i Hercegovine u iznosu od cca 250.000 KM, a u svrhu reguliranja neizmirenih obaveza Fonda na ime plaća zaposlenih, kao i za evidentirane obaveze prema dobavljačima, zaključno sa 31.12.2017. godine.